

clésiám sángine suo: * Cálicem Dómini bibérunt, et amíci Dei facti sunt. **V.** In omnem terram exívit sonus eórum, et in fines orbis terræ verba eórum. **Cálicem.**

Lectio viii.

Interpositis nonnullis rebus, quæ ex natúra húmáni sensus sibi contráriae sunt, ratióne quære re coeléstis intelligétiæ admonémur. Apóstoli dicunt, et sequi se Christum, et se ómnia reliquisse. Quómodo ígitur fiunt tristes, et quómodo métuunt dicétes, salvum esse néminem posse? Namque et ab aliis fieri póterat, si quid fecissent ipsi. Deínde cum fecissent ipsi; quare metus, vel unde suscéptus est? Additur étiam in responsiône Dómini, hæc apud hómines impossibília, possibília apud Deum. Numquid apud hóminem impossibília erant, quæ et Apóstoli fecisse se gloriántur, et fecisse eos Dóminus agnóscit?

R. Isti sunt viri sancti, quos elégit Dóminus in

caritate non ficta, et dedit illis glóriam sempitérnam: * Quorum doctrína fulget Ecclésiá, ut sole luna. **V.** Sancti per fidem vicérunt regna, operáti sunt justítiam. **Quorum. Glória Patri. Quorum.**

Lectio ix. de festo Simplicii, si occurrat; alias

Lectio ix.

Omnis itaque hic sermo est spiritalis. Quid autem Dei virtúti tam possibile est, quam ut per fidem salvet? ut per aquam regeneret? ut per crucem vincat? ut per Evangéla adóptet? ut per resurrectionem ex morte vivíficet? Quibus auditis Apóstoli cito credunt, seséque ómnia reliquisse profiténtur. Sed hanc eórum obediétiám cito Dóminus remunerátur, omnem difficultátem superióriis quæstiónis absólvens, cum dicit: Vos, qui secúti estis me in regeneratióne, iudicábitis duódecim tribus Israël. Hæc enim illa regeneratió est, quam Apóstoli sunt secúti, quam lex indulgere non pótuít, quæ

eos super duódecim thronos in iudicádis duódecim tribubus Israël, in duódecim Patriarchárum glória copulávit.

Te Deum laudámus.

Ad Laudes

et per Horas.

Ant. 1. Hoc est præcéptum meum, * ut diligáti invicem, sicut diléxi vos.

Ps. Dóminus regnávít. cum reliquis. 9.

2. Majórem caritátem * nemo habet, ut ánimam suam ponat quis pro amícis suis.

3. Vos amíci mei estis, * si fecéritis quæ præcipio vobis, dicit Dóminus.

4. Beáti pacífici, * beáti mundo corde: quóniam ipsi Deum vidébunt.

5. In paciéntia vestra * possidébitis ánimas vestras.

Capitulum. Ephes. 2. d.

Fratres: Jam non estis hóspites, et ádvenæ: sed estis cives sanctórum, et doméstici Dei: superædicáti super fundaméntum Apóstolorum et Prophetárum, ipso summo angulári lápide Christo Jesu.

R. Deo grátias.

Hymnus.

Exsúltet orbis gaúdiis: **C**œlum resúltet laúdi-

bus:

Apostolórum glóriam
Tellus et astra cóncinunt.

Vos sæculórum júdices,
Et vera mundi lúmina,
Votis precámur córdium:
Audíte voces súpplicum.

Qui templa cœli claúditis,
Serásque verbo sólvitis,
Nos a reátu nóxiós
Solvi jubéte, quæsumus.

Præcépta quorum pró-

tinus

Languor salúsque sên-

tiunt;

Sanáte mentes lánguidas:
Augéte nos virtútibus:

Ut, cum redíbit árbitèr
In fine Christus sæculi,
Nos sempitérni gaúdi
Concedat esse cómpotes.

Patri, simúlque Filio,
Tibíque sancte Spíritus,
Sicut fuit, sit júgiter
Sæclum per omne glória.

Amen.

V. Annuntiavérunt ópera
Dei. **R.** Et facta ejus intellexérunt.

Ad Bened. Ant. Vos qui reliquístis * ómnia, et se-

cúti estis me, céntuplum accipiétis, et vitam ætérnam possidébitis.

Oratio.

Deus, qui nos per beátos Apóstolos tuos ad agnitióem tui nóminis veníre tribuisti: da nobis eórum glóriam sempitérnam et proficiéndo celebráre, et celebrándo proficere. Per Dóminum.

Ad Tertiam.

Ant. Majórem caritátem.

Capit. Frátres: Jam. 71.

R. br. In omnem terram * Exívit sonus eórum. **In** omnem. **V.** Et in fines orbis terræ verba eórum. **Exívit.** Glória Patri. **In** **V.** Constitúes eos príncipes super omnem terram.

R. Mémoires erunt nóminis tui Dómine.

Ad Sextam.

Ant. Vos amíci mei estis.

Capitulum. Act. 5. b.

Per manus autem Apóstolorum fiébant signa et prodígia multa in plebe.

R. br. Constitúes eos príncipes * Super omnem terram. **Constitúes.** **V.** Mémoires erunt nóminis tui Dñe. **Super.** Glória. **Constitúes.**

V. Nimis honoráti sunt amíci tui Deus. **R.** Nimis confortátus est principátus eórum.

Ad Nonam.

Ant. In patiéntia vestra.

Capitulum. Act. 5. c.

Pabant Apóstoli gaudétes a conspéctu concílii, quóniam digni hábiti sunt pro nómine Jesu contuméliam pati.

R. br. Nimis honoráti sunt * Amíci tui Deus. **Nimis.** **V.** Nimis confortátus est principátus eórum. **Amíci.** Glória Patri. **Nimis.**

V. Annuntiavérunt ópera Dei. **R.** Et facta ejus intellexérunt.

In II. Vesperis.

Ant. Jurávit Dóminus.

Psalmus 109.

Dixit Dóminus Dómino meo: * Sede a dextris meis:

Donec ponam inimícos tuos, * scabéllum pedum tuórum.

Virgam virtútis tuæ emíttet Dóminus ex Sion: * domináre in médio inimicórum tuórum.

Tecum princípium in die virtútis tuæ in splendóribus sanctorum: * ex útero ante lucíferum genui te.

Jurávit Dóminus, et non pœnitébit eum: * Tu es sacérdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natióibus, implébit ruínas: * conquassábit cápita in terra multórum.

De torrénite in via bibet: * propterea exaltábit caput.

Ant. Jurávit Dóminus, et non pœnitébit eum: Tu es sacérdos in ætérnum.

Ant. Cóllocet eum.

Psalmus 112.

Laudáte púeri Dñm: * laudáte nomen Dómini.

Sit nomen Dómini benedíctum, * ex hoc nunc, et usque in sáeculum.

A solis ortu usque ad occásus, * laudábile nomen Dñi. Excélsus super omnes

Gentes Dóminus, * et super cœlos glória ejus.

Quis sicut Dóminus Deus noster, qui in altis há-

bitat, * et humília respicit in cœlo et in terra?

Súscitans a terra inopem, * et de stercore érigens paúperem:

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ant. Cóllocet eum Dóminus cum princípibus pópuli sui.

Ant. Dirupísti Dómine.

Psalmus 115.

Crédidi, propter quod locútus sum: * ego autem humiliátus sum nimis.

Ego dixi in excéssu meo: * Omnis homo mendax.

Quid retribuam Dómino, * pro ómnibus, quæ retribuit mihi?

Cálicem salutáris accípiam: * et nomen Dómini invocábo.

Vota mea Dño reddam coram omni pópulo ejus: * pretiósá in conspéctu Dñi mors sanctorum ejus:

O Dómine quia ego servus tuus: * ego servus tuus, et filius ancillæ tuæ.

Dirupísti víncula mea: *

tibi sacrificábo hóstiám laudis, et nomen Dómini invocábo.

Vota mea Dómino reddam in conspéctu omnis pópuli ejus: * in átriis domus Dómini, in médio tui Jerúsalem.

Ant. Dirupísti Dómine víncula mea: tibi sacrificábo hóstiám laudis.

Ant. Eúntes ibant.

Psalmus 125.

In converténdo Dóminus captivitátem Sion: * facti sumus sicut consoláti: Tunc replétum est gaudio os nostrum: * et lingua nostra exsultatióne.

Tunc dicent inter Gentes: * Magnificávit Dóminus fácere cum eis.

Magnificávit Dóminus fácere nobiscum: * facti sumus lætántes.

Convérte Dómine captivitátem nostram, * sicut torrens in Austro.

Qui séminant in lácrimis, * in exsultatióne metent. Eúntes ibant et flebant, * mitténtes sémina sua.

Veniéntes autem vénient cum exsultatióne, * portántes manípulos suos.

Ant. Eúntes ibant et flebant, mitténtes sémina sua.

Ant. Confortátus est.

Psalmus 138.

Dómine probásti me, et cognovísti me: * tu cognovísti sessiόνem meam, et resurrectiόνem meam.

Intellexísti cogitatiónes meas de longe: * sémitam meam, et funículum meum investigásti.

Et omnes vias meas prævidísti: * quia non est sermo in lingua mea.

Ecce Dómine tu cognovísti ómnia novíssima, et antiqua: * tu formásti me, et posuísti super me manum tuam.

Mirábilis facta est sciéntia tua ex me: * confortáta est, et non pótero ad eam.

Quo ibo a spíritu tuo? * et quo a fácie tua fugiam?

Si ascéndero in cœlum, tu illic es: * si descéndero in inférnum, ades.

Si sumpsero peñas meas dilúculo, * et habitávero in extrémis maris:

Etenim illuc manus tua dedúcet me: * et tenébit me dextera tua.

Et dixi: Fórsitan ténebræ conculcábunt me: * et nox illuminátió mea in deliciis meis.

Quia ténebræ non obscurabúntur a te, et nox sicut dies illuminábitur: * sicut ténebræ ejus, ita et lumen ejus.

Quia tu possedísti renes meos: * suscepísti me de útero matris meæ.

Confitébor tibi quia terribiliter magnificátus es: * mirabilia ópera tua, et ánima mea cognóscit nimis.

Non est occultátum os meum a te, quod fecísti in occulto: * et substántia mea in inférióribus terræ.

Imperféctum meum vidérunt óculi tui, et in libro tuo omnes scribéntur: * dies formabúntur, et nemo in eis.

Mihi autem nimis honorificáti sunt amíci tui Deus: * nimis confortátus est principátus eórum.

Dinumerábo eos, et super arénam multiplicabúntur: * exsurrexi, et adhuc sum tecum.

Si occideris Deus peccatóres: * viri sánguinum declináte a me:

Quia dicitis in cogitatióne: * accipient in vanitáte civitátes tuas.

Nonne qui odérunt te Dómine, óderam: * et super inimícos tuos tabescébam?

Perfécto ódio óderam illos: * et inimíci facti sunt mihi.

Proba me Deus et scito cor meum: * intérroga me, et cognósce sémitas meas.


Et vide, si via iniquitátis in me est: * et deduc me in via ætérna.

Ant. Confortátus est principátus eórum, et honoráti sunt amíci tui Deus.

Capit. Fratres: Jam. et **Hymn.** Exsúltet orbis. 71.

V. Annuntiavérunt ópera Dei. **R.** Et facta ejus intellexérunt.

Ad Magnif. Ant. Estóte fortes * in bello, et pugnáte cum antiquo serpente: et accipiétis regnum ætérnum, allelúja.



OFFICIUM VOTIVUM DE SANCTIS APOSTOLIS

TEMPORE PASCHALI.

In I. Vesperis.

Ant. Sancti tui. *cum reliq. de Land.* 78. *Ps.* Dixit Dóminus. *ut supra.* 27.

Capitulum. Sap. 5.

Stabunt justi in magna constantia advérsus eos, qui se angustiavérunt, et qui abstulérunt labóres eórum.

Hymnus.

Tristes erant Apóstoli
De Christi acérbo fúnere,
Quem morte crudelíssima
Servi necárant ímpii.

Sermóne verax Angelus
Mulieribus prædixerat:
Mox ore Christus gáudium
Gregi feret fidélium.

Ad ánxios Apóstolos
Currunt statim dum nún-
tiæ,

Illæ micántis óbvia
Christi tenent vestigia.
Galilææ ad alta móntium
Se cónferunt Apóstoli,
Jesúque, voti cómpotes,
Almo beántur lúmíne.

Ut sis perénne méntibus
Paschále, Jesu, gáudium,
A morte dira críminum
Vitæ renátos libera.

Deo Patri sit glória,
Et Filio, qui a mórtuis
Surréxit, ac Paráclito,
In sempitérna sæcula.
Amen.

V. Sancti et justi in Dó-
mino gaudéte, allelúja.
R. Vos elégit Deus in hæ-
reditátem sibi, allelúja.

Ad Magnif. Ant. Lux
perpétua * lucébit sanctis
tuis Dómine, et ætéritas
temporum, allelúja.

Oratio.

Deus, qui nos per beá-
tos Apóstolos tuos ad
agnitióem tui nóminis
veníre tribuísti: da nobis
eórum glóriam sempitér-
nam et proficiéndo cele-
bráre, et celebrándo pro-
ficere. Per Dóminum.

Et fit commem. de Cruce. 29.

AD MATUTINUM.

Invitat. Regem Apostoló-
rum Dóminum, * Veníte,
adorémus, allelúja.

Ps. Veníte, exsultémus.

Hymnus. Tristes erant.
ut supra. 76.

In I. Nocturno.

Ant. Stabunt justi * in
magna constantia advér-
sus eos, qui se angustia-
vérunt, allelúja.

*Sub una tantum Ant. in quo-
libet Nocturno dicuntur Psalmi
ut supra.* 59.

V. Sancti et justi in Dó-
mino gaudéte, allelúja.
R. Vos elégit Deus in hæ-
reditátem sibi, allelúja.

*Lectiones de Scriptura occur-
rente,*

R. i. Beátus vir qui mé-
tuit Dóminum, allelúja. *
In mandátis ejus cupit ni-
mis, allelúja, allelúja, alle-
lúja. *V.* Glória et divítiae
in domo ejus, et justítia
ejus manet in sæculum
sæculi. In mandátis.

R. ii. Tristítia vestra, al-
lelúja, * Convertétur in
gáudium, allelúja, allelúja.
V. Mundus autem gaudé-
bit, vos vero contristabí-
mini, sed tristítia vestra.
Convertétur.

R. iii. Pretiósá in con-
spéctu Dómini, allelúja, *
Mors sanctórum ejus, alle-
lúja. *V.* Custódit Dóminus
omnia ossa eórum, unum
ex his non conterétur.
Mors. Glória Patri. Mors.

In II. Nocturno.

Ant. Ecce quómodo com-
putáti sunt * inter filios
Dei, et inter sanctos sors
illórum est, allelúja.

Psalmi ut supra. 64.

V. Lux perpétua lucébit
sanctis tuis Dómine, alle-
lúja. *R.* Et ætéritas tém-
porum, allelúja.

*Lectiones II. Nocturni ut extra
tempus Paschale.* 65.

R. iv. Lux perpétua lucébit sanctis tuis Dómine, * Et ætérnitas témporum, allelúja, allelúja. **V.** Lætítia sempitérna erit super cápita eórum: gaúdiúm et exsultatiónem obtinébunt. Et ætérnitas.

R. v. Virtúte magna redébant Apóstoli, * Testimónium resurrectiónis Jesu Christi Dómini nostri, allelúja, allel. **V.** Repléti quidem Spíritu sancto loquebántur cum fidúcia verbum Dei. Testimónium.

R. vi. Isti sunt agni novéli, qui annuntiavérunt, allelúja: modo venérunt ad fontes, * Repléti sunt claritáte, allelúja, allelúja. **V.** In conspéctu Agni amícti sunt stolis albis, et palmæ in mánibus eórum. Repléti. Glória Patri. Repléti.

In III. Nocturno.

Ant. Lux perpétua * lucébit sanctis tuis Dómine, et ætérnitas témporum, allelúja.

Psalmi ut supra. 67.

V. Lætítia sempitérna super cápita eórum, allelúja.

R. Gaúdiúm et exsultatiónem obtinébunt, allelúja.

Lectiones III. Nocturni, ut extra tempus Paschale. 69.

R. vii. Ego sum vitis vera, et vos pálmities: * Qui manet in me, et ego in eo, hic fert fructum multum, allelúja, allelúja. **V.** Sicut diléxit me Pater, et ego diléxi vos. Qui manet.

R. viii. Cándidi facti sunt Nazaræi ejus, allelúja; splendórem Deo dedérunt, allelúja: * Et sicut lac coaguláti sunt, allelúja, allelúja. **V.** Candióres nive, nitidióres lacte, rubicundióres ébore antiquo, sapphíro pulchrióres. Et. Glória Patri. Et.

Ad Laudes

et per Horas.

Ant. 1. Sancti tui * Dómine florébunt sicut lílium, allelúja: et sicut odor bálsami erunt ante te, allelúja.

Ps. Dóminus regnávít, cum reliquis. 9.

2. In cœlestibus regnis * sanctórum habitátio est, allelúja: et in ætérnum réquies eórum, allelúja.

3. In velaménto * clamábant sancti tui Dómine, allelúja, allelúja, allelúja.

4. Spíritus et animæ * justórum hymnum dícite Deo nostro, allelúja, allel. **5.** Fulgébunt justí * sicut sol in conspéctu Dei, allel.

Capitulum. Sap. 5.

Stabunt justí in magna constantia advérsus eos, qui se angustiavérunt, et qui abstulérunt labóres eórum.

Hymnus.

Paschále mundo gaúdiúm
Sol nuntiat formósior,
Cum luce fulgéntem nova
Jesum vident Apóstoli.

In carne Christi vúlnera
Micáre tamquam sídera
Mirántur, et quidquid vident
Testes fidéles prædicant.

Rex Christe clementísime,
Tu corda nostra pösside:
Ut lingua grates débitas
Tuo repéndat nómini.

Ut sis perénne méntibus
Paschále Jesu gaúdiúm;
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sécula.
Amen.

V. Pretiósá in conspéctu Dómini, allelúja. **R.** Mors sanctórum ejus, allelúja.

Ad Bened. Ant. Filíæ Jerúsalem, * veníte et vidéte Mártýres cum corónis, quibus coronávit eos Dóminus in die solemnítatis et lætítiae, allelúja, allelúja.

Oratio.

Deus, qui nos per beátos Apóstolos tuos ad agnitiónem tui nóminis venire tribuísti: da nobis eórum glóriam sempitérnam et proficiéndo celebráre, et celebrándo proficere. Per Dóminum.

Et fit commem. de Cruce. 29.

Ad Tertiam.

Ant. In cœlestibus regnis. **Capit.** Stabunt justí. ut supra.

R. br. Sancti et justí in Dómino gaudéte, * Allelúja, allelúja. Sancti et justí. **V.** Vos elégit Deus in hæreditátem sibi. Alle-

lúja, allelúja. Glória Patri. Sancti et justi.

V. Lux perpétua lucébit sanctis tuis Dómine, allelúja. **R.** Et æternitas temporum, allelúja.

Ad Sextam.

Ant. In velaménto.

Capitulum. Sap. 5.

Ecce quómodo computáti sunt inter filios Dei, et inter sanctos sors illórum est.

R. br. Lux perpétua lucébit sanctis tuis Dómine, * Allelúja, allelúja. **Lux** perpétua. **V.** Et æternitas temporum. Allelúja, allelúja. Glória Patri. **Lux** perpétua.

V. Lætítia sempiterna super cápita eórum, allelúja. **R.** Gaúdium et exsultatióem obtinébunt, allelúja.

Ad Nonam.

Ant. Fulgébunt justi.

Capitulum. Rom. 8. c.

Scimus quóniam diligéntibus Deum ómnia cooperántur in bonum, iis

qui secúndum propósitum vocáti sunt sancti.

R. br. Lætítia sempiterna super cápita eórum, * Allelúja, allelúja. **Lætítia.**

V. Gaúdium et exsultatióem obtinébunt. Allelúja, allelúja. Glória. **Lætítia.**

V. Pretiósá in conspéctu Dómini, allelúja. **R.** Mors sanctórum ejus, allelúja.

In II. Vesperis.

Ant. Sancti tui. cum reliquis de Laud. 78.

Psalmi ut in II. Vesperis de Comm. Apost. extra tempus Paschale. 72.

Capitulum. Sap. 5.

Stabant justi in magna constántia advérsus eos, qui se angustiavérunt, et qui abstulérunt labóres eórum.

Hymn. Tristes erant. 76.

V. Pretiósá in conspéctu Dómini, allelúja. **R.** Mors sanctórum ejus, allelúja.

Ad Magnif. Ant. Sancti et justi * in Dómino gaudéte, allelúja: vos elégit Deus in hæreditátem sibi, allelúja.



PROFERIA IV.
OFFICIUM VOTIVUM
DE S. JOSEPH SPONSO B. M. V.
CONFESSORE ET CATHOLICÆ ECCLESIAE PATRONE.
SEMIDUPLEX.

In I. Vesperis.

Ant. de Laudibus. 93. Psalmi ut in I. Vesp. de Comm. Apost.

Capitulum. Gen. 49. d.

Benedictiões patris tui confortatæ sunt benedictiõibus patrum ejus, donec veniret desiderium collium æternórum: fiant in cápite Joseph, et in vértice Nazarái inter fratres suos.

Hymnus.

Te, Joseph, célebrent ágmina célitum: Te cuncti résonent cristiádum chori,

Qui clarus méritis, junctus es ínclytæ Casto féedere Vírgini.

Almo cum túmidam gérmine cónjugem Admírans, dúbio tángeris ánxius, Afflátu súperi Fláminis Angelus Concéptum púerum docet.

Tunatum Dóminum stringis, ad éxteras Ægýpti prófugum tu séqueris plagas; Amíssum Sólymis quæris, et ínvenis, Miscens gaúdia flétibus.